



内閣文庫	
番號	漢 9269
冊數	2 (2)
函號	圖 2 4

庫	文	冊	號
元	九	二	六
七	九	二	六
函	架	冊	號



原本の文字など不明瞭な個所があります。

国立公文書館
National Archives of Japan



史略卷三



高



淺草文庫

似孫

續古修

東觀漢記

歷代春秋

歷代紀

實錄

起居注

唐左右螭坳書事

延英殿時政

時政記



唐曆

會要

玉牒

東觀漢記

東觀漢記百四十三卷起光武記注至靈帝長水校尉劉珍等撰按後漢書文苑傳劉珍字秋卿永初中鄧太后詔使典校書劉騶駮馬融及五經博士校定東觀五經諸子傳記百家藝術整齊脫誤是正文字永寧元年太后又詔珍與劉騶駮作建武以來名臣傳李尤字伯仁安帝時受詔與謁者僕射劉珍等

撰漢記又按顯宗起居注明德皇后自撰漢之后宮好文通史有如此者其後有後漢記一百卷晉散騎常侍薛瑩所撰當本諸此永元十三年正月丁丑和帝幸東觀覽書林閱篇籍博選藝術之士充其官洛陽宮殿名曰南宮有東觀永初中學者稱東觀為老氏藏室道家蓬萊山太僕鄧康薦竇章入東觀靈帝詔圖高武象於東觀

入東觀人

劉珍

劉騶駮

馬融

蔡邕

張衡

曹褒

黃香

李尤

楊彪

馬日磾

盧植

劉知幾曰後漢東觀大集羣儒而著述無主條章靡立伯度譏其不實公理以爲可焚張蔡二子糾之於當代傳范二家誣之於後葉

漢記中鄧禹傳

序曰賢駿思聖主風雲從龍武自然之應也鄧禹以弱冠睹廢興之地羸糧筮馬以追世祖遂信竹帛之願建社稷之謀襲蕭何之爵位可謂材難矣受命之初躬率六師中興治定勒號泰山聖上繼體立師傅位三公功德之極而禹兼之易稱利見大人詩有自

求多福其禹之謂與

漢記中吳漢傳

序曰自古異代之忠其詳不可得聞也已近觀大漢高祖世祖受命之會建功垂名之忠察其屈伸固非鄉舉里選所能拔也吳漢起鄉亭由逆旅假階韓馮發策彭寵然後遇乎聖王把旌杖鉞佐平諸夏東征海嶠北臨塞漠西踰隴山南平巴蜀遂斬公孫述延岑劉永董憲之首斯其跨制州域竊號帝王章草可數者標起糜沸之徒其所洒掃衆矣天下既定將帥論功吳公爲不覽其戰剋行事無知名無勇功令合

於孫吳何者建武之行師計出於主心勝決廟堂將帥咸承璽書倚威靈以治剋亂以智取愚其勢然也及漢持盈守位勞謙小心懼以終始勒功帝佐同名上古盛矣哉

右劉知幾大譏漢記述前人之言以為可焚可唾其對蕭至忠有曰古之國史皆出一家未嘗藉功于眾惟漢東觀集羣儒纂述人人自為政駁其言盡之矣今姑錄二序于前夫張衡蔡邕豈不以辭筆自騁而所序者如此是可與班馬抗歟

歷代春秋

戰國春秋 二十卷

趙曄吳越春秋

十二卷又有揚方吳越春秋削繁五卷皇甫遵吳越春秋傳十卷

陸賈楚漢春秋 九卷

司馬彪九州春秋

十卷記漢末事又有九州春秋抄一卷劉孝標注

袁曄漢獻帝春秋 十卷

孔衍漢春秋 十卷

孔衍後漢春秋 六卷

孔舒元漢魏春秋 九卷

孫盛魏氏春秋

二十卷又有魏陽秋異同八卷陳壽漢

負半千三國春秋 三十卷

崔良輔三國春秋 卷士深州安平人日用從子居白鹿山門人謚

曰貞文

習鑿齒漢晉陽秋 晉榮陽太守字彥威襄陽人博學洽聞以文筆著

孫盛晉陽秋 三十二卷訖哀帝盛著魏氏春秋晉陽秋詞直而理正咸稱良

史焉字安國太原人

檀道鸞續晉陽秋 二十卷宋永嘉太守

王韶之晉陽秋 韶之琅耶臨沂人也私撰晉陽秋成時人謂之宜居

史職即除著作郎使續後事訖義熙九年善敘事辭論可觀為後世佳史

杜延篤晉春秋略 二十卷唐人

王琰宋春秋 二十卷梁吳興令

鮑衡卿宋春秋 二十卷

吳均齊春秋 三十卷

臧嚴栖鳳春秋 五卷

具兢唐春秋 二十卷

韋述唐春秋 二十卷

陸長源唐春秋 六十卷

尹洙五代春秋 二卷

崔鴻三十國春秋 百二十卷魏人

十六國春秋略 二卷

蕭方三十國春秋

三十卷漢中元建安訖

年以晉為主包吳孫劉元海等三十國事又有三十國春秋鈔二卷

包胥河洛春秋

安祿山史思明事

武敏之三十國春秋一百卷

太史公作史記最采楚漢春秋意其論著瓌傑弘演必有以合乎軌轍者今得楚漢春秋讀之不見其奇試以一二言之其一曰沛公閉函谷關無內項王項王大將亞父至關不得入怒曰沛公欲反即令家發薪策欲燒關關門乃開其一曰項王在鴻門亞父諫曰吾使人望沛公其氣衝天五色相糾或似雲或似

龍或似人此非人臣之象也不若殺之其一曰上南攻宛匿旌旗人銜枚馬束舌雞未明已圍宛城三圍其一曰上過陳留酈生求見使者入通方洗足問如何人曰狀類大儒上曰吾方以天下為事未暇見大儒也使者出告酈生瞋目按劍入言高陽酒徒非大儒也楚漢春秋所載僅如此太史公所采亦以漢初之事未有記載故有取於此乎至習鑿齒孫盛檀道鸞作魏晉春秋意義闕達辭采清雋斯亦一代之奇者桓溫見盛春秋怒謂盛子曰枋頭誠為失利何至乃如尊君所說其子遽拜請刪定諸子號泣請為百

口計盛怒不許諸子自改定之盛乃書兩本寄於慕容雋泰元中孝武帝博求異聞殆於遼東得之以相參校多有不同時温既覬覦非望鑿齒著漢晉春秋以裁正之起光武終於晉愍帝三國之時蜀以宗室為正魏武雖受漢禪尚為篡逆文帝平蜀乃漢言而晉始興焉二子之作嚴且正矣善乎唐史臣之言曰丘明既歿班馬迭興自斯以降分明競爽此之謂乎陽秋者避晉太后家諱故曰陽秋

歷代紀

荀悅漢紀

三十卷後漢獻帝好典籍常以班固漢書文繁難省乃令悅依

左氏傳體為漢紀三十篇辭約事詳論道義二曰法章式三曰通古今四曰著功勳五曰表賢能於是天人之際事物之宜察然顯著罔不備矣漢四百有六載撥亂反正統武興文永惟祖宗之洪業思光啓乎萬嗣聖上穆然惟文之恤瞻前顧後是紹是繼闡崇大猷命立國典於是綴叙舊書以述漢紀中興以前明主賢臣得失之執亦足以觀矣荀悅應劭注荀悅漢紀三十卷唐李亮為涼州都督表諫求鷹太宗報書賜荀悅漢紀曰悅論議深博極為政之體公其釋味之

袁宏後漢紀

三十卷字彦伯自吏部郎為東陽太守有逸才文章絕美

張璠後漢紀

三十卷

劉歆漢靈獻二帝紀

六卷

環濟具紀 十卷 晉太學博士

陸機晉紀 四卷 字士衡 晉平原內史 天才秀逸 辭藻宏麗 葛洪稱其文宏

麗妍 贈英絕 漂逸 亦一代之絕乎

鄧粲晉紀 十一卷 訖明帝 晉荆州別駕 其傳云 著元明紀 十篇 晉史曰 鄧

粲謝沉祖述前史 司辭異義 罕見稱焉

于寶晉紀 二十卷 自宣帝 訖愍帝 五十三

史于寶著 晉論二千七百一十有七言 載於晉史者 一千八百一十有五言 載

於通鑑者 七百二十有四言 可以為 史夷煩亂 剪裁浮辭之法

曹嘉之晉紀 十卷 晉前

劉瓌晉紀 世說注

劉謙之晉紀 二十五卷 宋中散大夫

王韶之晉紀 十卷 宋吳興太守 字休泰 琅瑯人 善叙事 辭論可觀 為後

代佳 史

徐廣晉紀 四十五卷 宋中散大夫 侍中 選

數術無不研究 尚書奏有造中興記者 煥乎 史策宜勅 著作郎 徐廣撰成 國史

於 是廣勒成 晉紀 凡四十六卷 表上之

郭彥產續晉紀 五卷 宋新

王智深宋紀 三十卷 興太守

沈約齊紀 十卷

蕭韶梁大清紀 十卷 梁長沙王

梁末代紀 一卷

梁帝紀 七卷

梁皇帝紀 七卷

盧彥卿後魏紀 三十卷

崔彥發北齊紀 三十卷

陳彭年唐紀 四十卷
本朝人

皇甫湜謂荀氏漢紀強欲復古以為編年然其善語嘉話細事詳政多所遺矣予以為不然此書專為正史繁博而作辭約則事必省事省則史必精編年之體難乎其詳且細矣王通氏曰荀悅史乎是蓋知悅

者矣而杜預尤為善言史者有謂史之舊章從而修之故曰約史記而修春秋殆此意歟自悅而後紀凡二十有一家往往取則於荀氏如陸機鄧粲徐廣沈約數家殊為精覈而家家有史人人載筆難乎其考矣隋史氏以為史官廢絕久矣魏晉以來其道愈替南董之位以祿貴遜正駿之司罕因才授故梁世諺曰上車不落則著作體中何如則祕書尸素之儔盱衡延閣之上立言之士揮翰蓬茨之下一代之記至數十家傳說不同聞見舛駁此之謂歟

張璠漢紀曰范孟博滂為功曹辟公府掾升車攬轡

有澄清天下之志百城聞滂高名皆解印綬去又曰

不畏強禦陳仲舉天下模楷李元禮鄧粲晉紀曰劉

子驥驥之少尚質素虛退寡欲好遊山澤志尚道逸

又曰王平子澄放曠不拘時謂之達又曰王處仲性

簡脫口不言財其操尚如此又曰王導協贊中興敦

有方面之功又曰裴遐以辯論為業善叙名理辭氣

清暢冷然若琴瑟按晉諸公贊遐字叔道河東人少

名王夷甫適之曹嘉之晉紀曰荀勗為中書監令尚同

車至和嶠為令而勗為監嶠意強抗專車而坐乃使

監令異車自此始劉謙之晉紀曰王獻之性其整峻

不交非類又曰栢玄欲復武賁中郎將疑應直與不

訪之僚佐咸莫能定參軍劉簡之對曰潘岳秋興賦

序云余兼武賁中郎將寓直于散騎之省以此言之

是應直也玄歡然從之徐廣晉紀曰劉遵祖爰之少

有才學能言理又曰殷浩清言妙辯玄致當時名流

皆為其美譽又曰允稱風流者皆舉王劉為宗焉劉真

仲長王庾道季蘇太尉亮子也風情率悟以文談致稱

於時又曰王導阿衡之世經綸夷儉政務寬恕事從

簡易故垂遺愛之譽以上諸史學者所未見故為槩

舉一二庶知其筆墨焉

實錄

六朝實錄

梁實錄

梁皇帝實錄

周興嗣撰

梁皇帝實錄

謝昊撰

梁太清實錄

唐實錄

唐六典曰史官掌修國史凡天地日月之祥山川封域之分昭穆繼代之

序禮樂師旅之事誅賞興廢之政皆本於起居注以為實錄

高祖實錄

許敬宗撰於前太宗感動流涕

太宗實錄

元曰今上實錄敬播顏胤撰

貞觀實錄

長孫無忌撰

高宗實錄

許敬宗撰

高宗後實錄

初令狐德棻撰成此再修者也又

有韋述所撰一百卷武后所撰

則天實錄

魏元忠武三思祝欽明徐彦伯柳冲章承慶崔融岑羲徐堅劉

和幾吳兢刪正又有宗秦客聖母神皇實錄

中宗實錄

吳兢撰

太上皇實錄

劉知幾撰

睿宗實錄

吳兢撰

今上實錄 張說唐穎撰次開元初事

開元實錄 失撰人名

玄宗實錄 今狐垣撰

肅宗實錄 元載監修

代宗實錄 今狐垣撰

建中實錄 沈既濟撰

德宗實錄 蔣又樊綽林寶撰處厚獨孤郁撰辛

順宗實錄 韓愈沈傳師撰字文籍撰

憲宗實錄 沈傳師鄭澣撰李漢陳夷行蘇景胤撰蘇胤撰

穆宗實錄 蘇景胤王彥威撰漢公蘇滌裴休撰

敬宗實錄 陳商鄭亞撰

文宗實錄 盧耽蔣偕王風盧告牛叢撰偕三世修史世稱良筆其父又有史才

武宗實錄 辛保衡撰

五代實錄

梁太祖實錄三十卷 梁邠象等撰

後唐獻祖紀年錄二卷

後唐懿祖紀年錄一卷

後唐太祖紀年錄十七卷

後唐莊宗實錄三十卷 後唐趙鳳張昭遠等撰獻祖懿祖太

祖為紀年莊宗為實錄

後唐明宗實錄三十卷

姚顥等撰

後唐廢帝實錄十七卷

皇朝張昭劉溫撰

後唐愍帝實錄三卷

張昭等撰

晉高祖實錄三十卷

漢賈縉等撰

晉少帝實錄二十卷

賈正固等撰

漢高祖實錄二十卷

漢蘇逢吉等撰

賈縉乾祐中受詔與王仲實儼脩晉高祖少帝漢高祖三朝實錄縉以筆削為已任然而褒貶任情記注不實晉宰相桑維翰執政嘗薄縉之為人不甚見禮縉深嗚之及叙維翰傳稱維翰身沒之後有白金八

千錠他物稱是翰林學士徐台符縉邑人也與縉相善謂縉曰聞吾友書桑魏公白金之數不亦多乎乃改為白金數千錠書法如此他可知矣

漢隱帝實錄十五卷

張昭等撰

周太祖實錄三十卷

張昭劉溫撰

周世宗實錄四十卷

皇朝王溥等撰

實錄之作史之基也史之所錄非藉此無所措其筆削矣今孤垣修玄宗實錄號為著述甚精喪亂之餘實錄散失纂開元天寶間事唯得諸家文集編其詔冊名臣傳記十無三四後人以漏略稱之初至德二

年史官于休烈等奏自經賊火國史實錄並無其本
合詔府縣搜訪重加購賞數月唯得書一二百卷前
史官韋述家藏國史一百十三卷乃以送官又僅若
此歐陽公宋景文公受詔分撰唐史一時有請以為
唐自武宗後並無實錄何所攷訂則實錄有補於史
可知矣又如柳垞以下十五人分修宣宗懿宗僖宗
實錄踰年不能編錄一字是非難乎歐公作五代新
史往往多據建康實錄耳

先公預修

神宗

哲宗

徽宗

欽宗四朝史

高宗實錄其史冊散逸記載踈略尤有甚於令狐峘
之時分修志四傳五十實錄十年而訪搜訂載略不
少恨其有分秦檜傳者筆不得下今檜傳僅數葉而
已似孫乃為纂修檜傳極為精覈史館移牒取索不
欲錄報也

二

顯慶中高宗以許敬宗撰太宗實錄所紀多非實謂

劉仁軌曰朕觀國史所書多不周悉卿等必須窮微索隱原始要終盛業鴻勳咸使詳備憲宗徧讀列聖實錄見貞觀開元故事竦慕不能釋卷謂宰臣曰太宗之創業如此玄宗之致理如此我讀國史始知萬倍不如焉文宗嘗曰順宗實錄似未詳實史官韓愈不是當時屈人否李石曰韓愈貞元末為四門博士上曰司馬遷與任安書全是怨望所以漢武本紀事多不實鄭覃曰漢武中年後大發戎馬拓土開邊生人耗竭本記所述亦非過言初愈撰順宗實錄說禁中事頗切直內官惡之往往於上前言其不實累朝

有詔改修及修憲宗實錄文宗復令改正永貞間事跡隨奏乞條示舊記最錯誤者委史官條定乃詔刊去實錄中所書德宗順宗朝禁中事其他不要更修

按愈進順宗實錄表曰監修李吉甫授臣以前史官韋厚所撰先帝實錄三卷云未周悉令臣重修臣與修撰左拾遺沈傳師直館咸陽尉宇文籍等共如採訪修成削去常事著其繫於政者比之舊錄十益六七忠良姦佞莫不備書觀此則內官所惡者在是矣又云沈傳師等採事得於傳聞致有差誤聖明無遺怒臣不逮重令刊正今並添改訖其奉天功烈更加尋訪已據所聞載於首卷愈秉史筆而所言云爾嗚呼難哉
唐史筆所修往往視其人之才否至於高宗文宗尚能知所刊整其視委成史氏無所攷擇者固有間矣

起居注

漢一 獻帝起居注

晉十六

泰始起居注
建武大興永昌起居注
咸寧起居注

咸康起居注
元康起居注

永和起居注
升平起居注

太和起居注
崇寧起居注

宋七

永初起居注
景平起居注

元嘉起居注
孝建起居注

齊一

永明起居注
梁一 大同起居注

陳四

永定起居注
天嘉起居注
天康光大起居注
至德起居注

後魏一

起居注
隋一 開皇起居注

唐二

大開元起居注
漢武帝有禁中起居注
明德馬后自撰顯宗起居注

后削去兄防參醫藥事章帝請曰黃門舅日夕供養
且一年既無瘕異又不錄勤勞無乃過乎太后曰吾
不欲後代聞先帝數親
後官之家故不錄也
漢有起居注久矣不止獻帝

也

漢時起居注在宮中為女史之職蓋周內史所記王命之副也

梁吳均欲撰齊

書求借齊起居注及羣臣行狀武帝弗許遂私撰奏

之是知記注之作有補於史太宗謂褚遂良曰卿知

起居注可得見否遂良以為不聞帝王躬自觀史正

元中上問趙憬起居注所記何事憬言國朝自永徽

以後起居唯得對仗承旨仗下後謀議皆不得聞其

曰注記但出於已行制敕內採錄更無他事長壽中

姚璿知政事以為親承謨訓若不宣自宰相史官無

由得知遂請仗下後所言軍國政要宰相專知撰錄

號時政記

李弘憲曰時政記者姚璿修之於貞元時璿抗罷而寢賈耽齊抗修之於貞元時璿抗罷而

廢李德裕曰璿所撰時政記厥後因循多闕乞依故事知印宰相撰錄歲末送史館杜牧曰舊例宰相閣內及廷英奏事知印宰相盡書送史館名時政記但記出己之辭或忘同列之對獻替之說史冊不詳欲乞人自為記共成一編必無遺漏觀唐諸公之言如此則記亦非詳且續矣

何此事又廢上曰君舉必書義存勸戒宜依故事為

之李德裕言廷英奏事後向外傳說三事猶兩事虛

謬豈有起居注皆三二年後採於傳聞耳目已隔固

非實事宜如故事每季送史館如軍國大政傳聞疑

誤許於政事堂見宰相臨時酌量如事已施行非關

機密者並一一言說所異書事信實免有傳疑按興

慶宮有起居注并餘書三千六百卷則起居注不為

不詳矣

唐左右史螭坳書事

唐制朝日左右史分立赤墀之下

丹淹泥以塗殿墀

郎左舍

人右李肇國史補曰兩省謔起居為螭頭以其立近石螭也鄭覃傳日記注操筆在赤墀下張次宗傳文宗始詔左右史立螭頭下韋絢初除右史中謝置筆札於玉階欄楯之石趨而書辭拜舞約嘉話唐志曰宣政殿朝日殿上設黼宸躡席薰爐香案而宰相兩省對班于香案前則是香案自在殿上向之兩省對班而直案前者乃從殿下準望而言非夾立香案左右

也又按王仁裕入洛過長安見含元殿前五階三級第一級可高丈許每間引出一石螭頭東西鱗次第二第三級各高五尺蓮花石頂階兩面龍尾道各六七十步方達第一級而宣政殿紫宸螭頭雖不明載然據唐志御正殿則起居郎舍人分左右立有命則俯陛以聽退而書之正殿者宣政也志又曰若仗在內閣則夾香案分立殿下第二螭首和墨濡筆皆即螭處內閣者紫宸也三殿皆有螭於此可見姚璹所謂延英奏事者小殿也

延英殿時政

六典言宣政殿西上閣門之左即延英殿上元二年
殿中當御座生玉芝延英召對宰臣始於代宗時以
苗晉卿年老特御是殿優禮也陽城欲救陸贄約拾
遺王仲舒守延英殿閣上疏其言守閣者開延英以
受其對也錢希白南部新書記唐制內有公事即開
延英長安志以延英在紫宸殿東呂大臨圖引李庚
賦曰東則延英眈眈又按會要元和十五年詔於西
上閣門西廊內開便門以通宰臣自閣中至延英則
延英不在紫宸之東矣會要之說蓋與六典合僖宗
時易延英為靈芝表芝瑞也還自蜀仍曰延英正元

七年詔諸司官長許對延英德宗又詔今後有陳宜
於延英請對憲宗時元稹為拾遺亦乞於延英訪問
自後諸州刺史又於延英陞辭韓臯為中丞奏事紫
宸殿上曰我與卿言不盡可來延英與卿從容又天
祐後一旬三開延英元和中義武節度張茂昭舉族
歸朝故事雙日不坐是日特開延英亦禮之特璿修
時政記請延英奏事宰臣書送史館其謂是歟

時政記

永徽後左右史唯對仗承旨仗下謀議不得聞武后
以姚璿表尚符璽擢平章事璿奏帝王謨訓不可闕

記請仗下不言軍國政要責宰相自撰號時政記以授史官從之時政有記自璿始大中六年平章事裴休言宰相論政上前知印者為時政記他議事有所闕史氏莫得詳請宰相人自為記付史官詔可元和八年上以時政記問於宰相監修國史李吉甫對曰是宰相記天子事以授史官之實錄也上曰其間或修或不修何也吉甫曰凡面奉德音未及施行樞機周密固不可書以送史官其間謀議有發自臣下者又不可自書以付史官及事已行者制旨昭然天下皆得聞知即史官記之不待書以授也姚璿修於長

壽璿罷而事廢賈耽修於正元耽罷而事廢

唐曆

肅宗詔柳芳與韋述綴輯吳兢所撰國史會述死芳續成之叙天寶後事棄取不倫史官病之後坐事貶黔中從高力士質開元天寶及禁中事倣編年法為唐曆四十篇頗有異聞然不立褒貶義例為諸儒譏訕按唐曆起隋義寧元年訖建中三年又續唐曆二十二卷又有唐曆目錄一卷唐崔令欽撰其後又有唐曆目錄一卷唐年曆一卷唐劉軻撰唐曆帝紀一卷又按前史有吳曆六卷胡冲撰晉曆二卷陳曆二

卷唐曆蓋因乎此芳字仲敷河東人

唐會要

五代會要 西漢會要 不知誰作甚簡約

唐蘇冕撰唐會要四十卷起高祖迄代宗崔鉉撰唐會要四十卷次德宗以來至大中間事 本朝王溥撰唐會要一百卷起宣宗至唐末合蘇崔二書合為百卷溥又撰五代會要三十卷起梁開平迄周末

玉牒

玉牒見於唐所以奠世繫分宗譜也開成中李衢上皇唐玉牒一百一十卷李又有玉牒行樓二卷其在本朝志世繫之外更為一史以紀大事大事者降誕

符瑞即位大臣除拜大政事大詔令也是所謂大事必書者其書一年一進按建武三十二年梁從等奏求元封封禪故事當用方石再累置壇中用玉牒書藏方石牒厚五寸長尺三寸廣五寸有玉檢又用石檢十枚列於石傍以告曰刻玉牒書函藏金櫃璽印封之又按唐麟德元年有事岱宗造三玉冊皆以金繩編玉牒為之刻玉填黃金為字又為玉匱以藏蓋太史公所曰鈎金匱石室之書者也韓昌黎有曰功德鏤乎白玉之牒抑謂是歟今玉牒殿制度玉牒以銷金羅為紙書之夾以銀梵葉

先太史在牒寺最久乃得專修
神宗一朝玉牒事既專則筆削不亂唯
神宗國史有所謂朱墨本者史之所載殊多私意
先公是正特為精覈可以言史矣

史例

史略卷四

高 似孫 續古修

史典

史表

史略

史鈔

史評

史贊

史草

史例

史目

通史

通鑑

通鑑參據書

史典

王逸齊典

五卷

劉璠梁典

三十卷

何元之梁典

三十卷 陳始興王諮議

謝昊梁典

三十卷

元行冲魏典

三十卷 魏事 唐後記

唐穎稽典

一百三十卷 開元中穎罷臨穎尉上之張說奏留史館修撰

李延壽太宗政典

三十卷

王彥威唐典

七十卷

按何元之梁典高帝革命論曰官自有梁備觀成敗昔因出軸流寓齊都窮愁著書竊慕虞子簡牘多闕略不盡舉觀此則典之為書亦幾於紀事省而辭約者也

史表

古今年表

一卷

表希之漢表

十卷

韓祐續古今人物表十一卷 開元十七年

柳芳唐宰相表三卷

陳繹輔相表十卷 皇宋

宰輔年表載熙豐間事

國朝年表八卷

太史公曰五帝三代之記尚矣自殷以前諸侯不可得而譜周以來乃頗可著讀春秋曆譜謀至周厲王廢書而嘆則知載筆之嚴莫嚴於譜謀世本十五篇古史官記黃帝以來訖春秋帝王公侯卿大夫祖世之所出表之作其有據於此乎善乎班固之言曰綴

續前記究其本末表舉大分別而叙之表之為義如此

史略

張溫三史略三十卷

張緬後漢略二十五卷

魚豢魏略五十卷

杜延篤晉春秋略二十卷

荀綽晉後略十一卷

吉文甫十五代略十卷 起庖 攬至晉

裴子野宋略二十卷

姚最梁後略十卷

梁承聖中興略十卷

丘悅三國典略二十卷以關中鄴都江南為三國記南北朝事

環濟帝王要略十二卷紀帝王及天官地理喪服

張太素隋後略十卷

郭修唐年統略十二卷

李吉甫六代略三十卷

杜信史略三十卷

杜毅大業記略三卷唐人

裴子野撰史略其序事評論多善沈約嘆其評論可

與過秦王命分路揚鑿是為翦繁撮要之法然諸子所錄玄出意度自成機杼是難以槩論然有至略之法存焉人特不着眼耳堯典載曆象治水禪舜之事大矣凡四十字舜典載受禪命官之事亦大矣凡八百三十六字禹貢載山川貢賦名物水功之事尤大矣凡一千二百八字非略之至乎

史鈔

葛洪史記鈔十五卷

葛洪漢書鈔三十卷

葛洪後漢書鈔三十卷

吳志鈔一卷

張緬晉書鈔三十卷

三十國春秋鈔二卷

九州春秋鈔一卷劉孝標注

右唐仲彥有子鈔虞南南有北堂書鈔皮日休有鹿門書鈔唐人有碎金鈔張九齡有珠玉鈔蘇易簡有文選鈔凡言鈔者皆擷其英獵其奇也可為觀書之法也

史評

王濤三國志序評三卷晉人

徐爰三國志評

二評蓋專為三國所書設是固有可評者司馬公作通鑑遺書劉道原曰魏吳蜀宋齊梁陳後魏秦夏涼燕北齊後周五代諸國地醜德齊不能相一名號鈞敵本非君臣者皆用列國之法彼此抗衡無所抑揚沒皆稱殂王公稱卒庶幾不誣事實稍近至公至於劉備雖承漢族屬疏遠不能紀其世數名字亦猶宋高祖自稱楚元王後李昇自稱吳王恪後是非難明今並同之列國不得與漢光武晉元帝為例以溫公之殊見絕識而於此難決是果難乎習鑿齒作漢晉

春秋其言有曰栢温覬覦非望乃著漢春秋以裁正
之起光武終於晉愍帝於三國之時蜀以宗室為正
魏武雖受漢禪尚為篡逆至文帝平蜀乃為漢亡而
晉始興焉其說如此豈不快哉

史贊

范曄後漢書贊 十八卷

范曄後漢書論贊 五卷

傅暢晉諸公贊 二十二卷

雜贊十六附

上古以來聖賢高士贊 三卷周續之

徐州先賢傳贊 九卷徐義慶

會稽先賢傳 二卷鍾離岫

陳留先賢傳贊 一卷陳英宗

長沙舊傳贊 三卷晉臨川王郎中劉或

吳先賢贊 三卷

會稽太守像贊 二卷賀氏

東陽朝堂像贊 一卷晉太山太守留叔先

桂陽先賢畫贊 五卷吳左中郎張勝

聖賢高上傳贊 三卷嵇康

至人高上傳贊 二卷孫綽

列仙傳贊 三卷孫綽

六賢圖贊 二卷唐李渤撰前代夫婦俱隱者六人

孝子傳贊 三卷王韶之

忠孝圖贊 二十卷李襲譽

凌煙功臣贊 并傳四十卷蔣乂

唐十八學士贊 一卷呂溫

烈女傳贊 一卷繆襲以上諸贊辭多壞條故錄焉

先太史嘗言歐陽公撰新唐史紀志皆脫藁獨太宗紀贊難乎其為工既成一夕夢神人金甲持兵琅乎問罪以紀贊過乎措辭蓋太宗也公乃為改作又治

又治平中妙柬一時名人修

仁宗史以帝紀屬之李邦直其所作贊又不能成一日出示諸公曰竭平生之力是倣馬班漢文亦贊由今觀之固有間矣只如兩漢書中大贊寧有幾非不欲追抗太史公筆力然其辭可琢其氣格不可敵况其下者乎

史草

蕭子顯晉史草 三十卷

予嘗觀楊文公史草用竹紙細字字清美塗攢甚少蓋造思之素者也又觀歐陽公史草闊行真字殊有

更易處又一二紙更易幾盡又觀宋景文公史草則
佳紙閣行筆史所書其草乃兩傳九劉史之舊所易
幾盡今以新傳比舊傳則一時群臣奏疏往往攬改
所存不一二又觀司馬公通鑑草紙闊狹不侔有剪
為數寸闊者兩面密書時有塗改處字尤端楷觀此
則想象蕭公史草令人精神飛越恨不一披元筆

二

古人制作不只遺辭合理而一字之施有不可易者
景文公修唐書韓文公傳全載進學解諫佛骨表潮
州謝上表祝鱷魚文殊不甚竄改於進學解頗易數

字以招諸生為召字障百川而東之為傳字跋前疐
後為躓字韓公本用狼跋詩語非躓也其他以肥羅
剔抉為把羅焚膏油為燒以取敗幾時為其敗吳元
濟傳書平淮西碑文千六百六十字固有他本不同
然才減節輒不穩當明年平夏一句悉芟之平蜀西
川減西川字非郊廟祠祀其無用樂減祠其兩字皇
帝以命臣愈臣愈再拜稽首減下臣字汝其以節都
統討軍以討為諸討者如左傳討軍實之義若云諸
軍恐非奇柳子厚傳載與蕭俛許孟容書正符懲劾
賦四篇孟容書氣義步武全與漢揚輝荅孫會宗書

相似正符倣班孟堅典引而其四者次序或失之至云宗元不得召內閣悼作賦自倣然其語曰逾再歲之寒暑則責居日月未爲久難以言不得召也資治通鑑但載粹人及郭橐駝傳以爲其文之有理者其識見取舍固有在云

史例

顏師古注漢書例 一卷

劉餗史例 三卷

沂公史例 一卷田宏正客

金馬統例 一卷

呂夏卿唐書新例 一卷

司馬公通鑑前例 一卷

善言史例無若杜征南然古之爲例簡而後之爲例詳不止是也事有出於常事之表則創例亦新用志亦艱矣神而明之者史乎

史目

唐楊松珍撰史目唐宗諫撰十三代史目唐孫王汝撰唐列聖實錄目其後作史目者準此隋志所謂古史官旣司典籍蓋有目以爲綱紀是亦史之綱紀也

通史

梁武帝通史 六百二卷

按通史上自三皇迄梁全用編年法

李延壽南史 八十卷

李延壽北史 一百卷

唐李延壽父太師多識前世舊事常以宋齊周隋天下參隔南方謂北為索虜北方指南為島夷其史於本國詳他國略徃徃訾美失傳思所以改正擬春秋編年刊究南北事未成而歿延壽既數與論撰所見益廣乃追終先志本魏登國元年盡隋義寧二年作本紀十二列傳八十八謂之北史本宋永初年盡陳

禎明三年作本紀十列傳七十謂之南史凡八代合二書百八十篇其書頗有條理剛落釀辭過本書遠甚唐鄭暉作史雋十卷亦記南北朝事何及李氏史之精覈張伯玉又續史雋十卷伯玉唐人

高峻小史 一百卷

峻元和中人著小史初為六十卷餘卷乃其子廻釐益之一以太史公書為準作漢諸臣諸王世家嚴整有律是深於史者

姚康復統史 三百卷

統史自開闢至隋末用編年法纂帝王政事凡詔令

所下皆書至於鹽鐵榷糴兵糧邊事無不該載以及
釋道燒煉妄求無驗者亦書之康大中中為太子詹
事

蕭肅合史 二十卷

蘇轍古史 二十卷 皇朝

太史公易編年之法為本紀世家列傳記五帝三王
以來後世莫能易之漢景武之間尚書古文詩毛氏
春秋左氏皆不列於學官世能讀之者少故其記堯
舜三代之事皆不得聖人之意戰國之際諸子辯士
各自著書或損增古事以自信一時之說遷一切信

之甚者或采世俗相傳之語以易古文舊說及秦焚
書戰國之史不傳於民間幸而野史一二存者遷亦
未暇詳也故其記戰國有數年不書一事者因遷之
舊上觀詩書下考春秋及秦漢雜錄記伏犧神農訖
秦始皇帝為七本紀十六世家三十七列傳謂之古
史追錄聖賢之遺意以明示來世至於得失成敗之
際亦備論其故嗚呼由數千歲之後言數千歲之前
其詳不可得矣幸其猶有存也而或又失之此古史
之所為作

資治通鑑

皇朝端明殿學士司馬光治平中受詔編集歷代君
臣事迹許自選辟官屬於崇文院置局熙寧初
神宗皇帝御製序賜名資治通鑑命經筵進讀及光
補外聽以書局自隨元豐七年書成上起戰國下終
五代凡一千三百六十二年分二百九十四卷又略
舉事目爲目錄三十卷參考羣書訂其同異爲考異
三十卷

資治通鑑舉要曆 八十卷

司馬公既著通鑑患其書浩大難於易見而目錄第
撮取精要之語無復首尾晚乃著是書

資治通鑑外紀 十卷

皇朝劉恕撰初司馬公受詔修歷代君臣事跡辟恕
于史局公退居洛陽恕歸江東仍隸局中嘗謂司馬
遷史記始於黃帝其包犧神農闕而不錄公爲歷代
書而不及周威烈王之前以包犧至未命三晉爲諸
侯可爲前紀

本朝

一祖

四宗一百八年可爲後紀將俟書成有請於公及恕
病廢又在遠方不可得國書絕意於後紀乃更前紀

曰外紀如國語稱春秋外傳之義也又有目錄三卷起包犧氏訖周威烈王二十二年恕字道原京兆人

通鑑參據書

史記

前漢書

後漢書

三國志

晉書

宋南史

北史

齊書

周書

沈約宋書

梁書

陳書

隋書

新舊唐書

宋略

新舊五代史

魏氏春秋

唐錄政要

天寶故事

後史補

袁宏漢紀

荀悅漢紀

太清紀

十道志

祿山事迹

李昊蜀書

高峻小史

世語

漢武故事

文貞公傳錄

天寶西幸記

毛文錫紀事

華陽國志

國典

魏文貞公故事

段秀實別傳

續漢書

三十國春秋

平陳記

玄宗幸蜀記

續漢志

晉春秋

大業略記

梁功臣列傳

薊門紀亂

東觀記

十六國春秋

通曆

朝野僉載

河洛春秋

收復邛州壁記

張璠漢記

職官志

大業雜記

潘遠紀聞

汾陽王家傳

五代通錄

漢晉春秋

後魏書

隋季革命記

宜都內人傳

顏氏行狀

關中實錄

九州春秋

王泉子聞見錄

河洛行年記

陳氏別傳

李太尉南行錄

王氏啓運圖

紀年通譜

通典

創業起居注

張彭蒼舊傳

會稽錄

嘉號錄

燕書

貞觀政要

狄梁公傳

句延慶耆舊傳

勤王錄

山陽公載記

修文殿御覽

壺關錄

松窓雜錄

徐鉉吳錄

九國志

胡冲吳曆

獻帝起居注

唐曆

景龍文館記

十國紀年

馬氏行年記

英雄記

前涼錄鈔

太宗勲史

開天傳信記

咸通解圍錄

王舉大定錄

江表傳

後魏序紀

革命記

升平源

唐年補錄

湖湘馬氏故事

獻帝春秋

十六國春秋錄

唐朝年代記

次柳氏舊聞

續寶運錄

華嶠譜叙

唐統紀

明皇雜錄

北夢瑣言

金鑿密記

御史臺記

閩錄

唐餘錄

歷代年號

集賢注記

見聞錄

劉氏興亡錄

韋曜兵書

劉餗小說

虞喜志林

編遺錄

孫盛雜語

伽藍記

唐要會

五代會要

妖亂志

寰宇記

吳錄

三國典略

唐聖運圖

鮮于仲通碑

吳越備史

虜庭雜記

徐鉉江南錄

陷蕃記

貞陵遺事

谷况燕南記

續牛羊日曆

五代史闕文

洛中紀異

王貴妃傳

劇談

錢易家語

啓國寶錄

正閏位曆

五代史補

西南備邊錄

備史遺事

晉陽見聞錄

玉堂閑話

興元聖功錄

開成紀事

忠懿王勲業志

兩朝獻替記

戊申英政錄

三楚新錄

雲南別錄

何氏姓苑

續貞陵遺事

唐年小錄

金華子雜編

甘露記

錢氏慶系圖譜

韋奉天錄

常侍言旨

林恩補國史

皮光業見聞錄

家王故事

奉天記

劉展紀亂

李絳論事

唐關文

貢奉錄

上清傳

蒲山公傳

後唐懿祖紀年錄

唐末汎聞錄

因話錄

建中實錄

會昌一品集

北蕃君長錄

南唐近事

唐諫諍集

鄴侯家傳

唐末見聞錄

東觀奏記

江表志

牛羊日曆

雲溪友議

唐列聖實錄

自高祖至昭
哀凡二十世

叙訓

邠志

皇華四達記

彭門紀亂

河南記

平剡錄

長曆

驚聽錄

南詔錄

韓愈集

李白集

白居易集

杜牧集

張九齡集

陳子昂集

獨孤及集

劉琨集

高郢集

鄭畋集

顧况集

賈至集

柳宗元集

大中制集

先賢行狀

馮涓大廳壁記

蜀德政碑

吳融生祠堂碑

陳子昂德政碑

何進滔德政碑

鄭畋行狀

征天賦

武威王廟碑

真宗初命編修君臣事迹謂輔臣曰宴享一門所錄
唐中宗宴飲羣庶人等預會和詩與臣寮馬上口摘
含桃事皆非禮也已令削之又曰所編事迹蓋欲垂
為典法里端小說咸所不取編修官上言近代群臣

自述其歷如李德裕文武兩朝獻替記李石開成承
詔錄韓偓金鑾臺記之類又有子孫述先德叙家世
如李繁鄴侯傳柳氏序訓魏公家傳之類隱己之惡
攘人之善並多溢美故匪信書又僭偽諸國各有著
撰如僞吳錄孟知祥實錄之類自矜本國事或近誣
其上並所不取其餘三十國春秋河洛記壺關錄之
類多是正史已有秦記燕書之類出自僞邦商芸小
說談數之類俱是談諧小事河南志邠志平剡錄之
類多是故吏實從述本府戎師征伐之功傷於煩碎
西京雜記明皇雜錄事多語恠奉天祿尤是虛詞盡

議采收恐成蕪穢從之書成賜名冊府元龜所遺既
多亦失明白如司馬公通鑑則不然今人但以爲取
諸正史予嘗窮極通鑑用工處固有用史用志傳或
用他書萃成一段者則其爲功切矣其所采取亦博
矣乃以其所用之書隨事歸之于下凡七年而後成
通鑑中所引援二百二十餘家試以唐一代言之叙
王世充李密事用河洛記魏鄭公諫爭用諫錄李絳
議奏用李司空論事睢陽事用張中丞傳淮西事用
涼公平蔡錄李泌事用鄴侯家傳李德裕太原澤潞
回鶻事用兩朝獻替記大中吐蕃尚婢婢等事用林

恩後史補韓偓鳳翔謀畫用金鑾密記平龐勛用彭
門紀亂討裘甫用平剡錄紀畢師鐸呂用之事用廣
陵妖亂志皆本末粲然則雜史鎖說家傳豈可盡廢
今錄于前使觀者知其功力如此不敢率於展卷也

史略卷四

史略卷五

高氏 似孫 續古修

霸史

雜史

七略中書古書

東漢以來書考

歷代史官目

劉勰論史

霸史一

十六國春秋略三十國春秋及春秋鈔
戰國春秋附春秋彙其外鎖晒者二十

餘家
不錄

華陽國志

十二卷 晉常璩撰 志巴漢風俗公孫以後据蜀事

漢之書

十卷 常璩撰

蜀李書

十卷

漢趙書

十卷 和苞撰

趙書

二十卷 偽燕長史田融載石勒事

燕書

二十卷 偽燕尚書范亨記慕容儁事

南燕錄

五卷 慕容德事

南燕錄

六卷 偽燕中書郎王景暉撰

秦書

志皆無之見劉孝標注世說 唐

秦書

三卷 何仲熙撰 記符健事

符朝記

一卷 田融撰

秦記

十一卷 宋徽撰 將軍斐景仁撰

秦記

十卷 魏尚書姚萇事

涼記

八卷 偽燕僕射張諮記 張軌事

涼書

十卷 偽涼中郎張軌事

涼記

十卷 偽涼著作佐郎段龜龍記 日光事

涼書

十卷 高遜撰

涼書

十卷 沮渠國史

托跋涼錄

十卷

燉煌實錄 十卷 劉昫撰

吐谷渾記 二卷 宋新寧侯段國撰

鄴洛記 十卷

霸史二

吳越史 十卷 皇朝范桐林禹撰

吳錄 二十卷 徐鉉記 楊行密據淮南迄揚州

淝上英雄小錄 偽吳信都縞記 楊行密起廬州入廣陵將吏五十人

江南錄 十卷 徐鉉記 江南李氏三主事

江南別錄 四卷 陳彭撰

江表志 三卷 鄭文寶撰

江南野史 二十卷 龍衮撰

吳唐拾遺錄 十卷 許氏撰

南唐近事 二卷 鄭文寶撰

前蜀紀事 二卷 偽蜀毛文錫記 王建采僭號前事

前蜀書 四十卷 偽蜀李昊撰 王木末

後蜀實錄 八十卷 李是記 孟昶事

蜀檣杙 十卷 張唐英撰

三楚新錄 三卷 皇朝周行逢荆南高季興事

荆湘近事 一卷 陶岳撰

閩中實錄 十卷 蔣文樸記 王氏據閩盡留從效李仁達事 惟不及陳洪進

十國紀年 四十二卷 劉恕 紀五代十國事

九國志 四十九卷 曾 顏記五代事

晉自永嘉之亂皇綱失統九州君長據有中原腥羶之風薰浸河洛其間或奉正朔或竊名位人自為國蠡聚基分國有其臣各思記載錄其釐疆樹長之自詳其立事用人之經亦足以待攷稽知本末後魏剗夷諸國據有嵩華乃命崔浩博采舊聞綴述國史諸國所纂盡集祕府介朱之亂往往散亡今錄其可攷之者

雜史

越絕書 十五卷 子胥撰 或曰子胥舊有內 紀八外傳十七 今存二十篇又載

春申君疑後人竄定 言二十篇者非是

春秋前傳 十卷 何 承天撰

春秋前傳雜語 十卷 何 承天撰

春秋後傳 三十一卷 晉 資撰 作郎樂

魯後春秋 二十卷 魯 允濟撰

吳越記 六卷

戰國策 三十四卷 劉向錄

戰國策 二十一卷 高誘注

戰國策論 一卷 漢 京兆 尹延篤撰

南越志

八卷沈氏撰

十二國史

四卷

春秋時國語 十卷孔衍撰

春秋後國語 十卷孔衍撰

右古雜史

楚漢春秋

九州春秋 並見春秋景

史漢要集

漢末英雄記 十卷王粲撰

後漢雜事 十卷

後漢釋論

二十卷王越客撰

右兩漢

魏晉世論

十卷晉襄陽郭頒撰

魏末傳 二卷

呂布本事

一卷毛范撰

晉武平吳記

六卷周世宗將張昭撰

右魏晉

宋中興事

二卷

宋拾遺

十卷梁少卿謝綽撰

王霸記

三卷潘傑撰

宋齊語錄十卷孔尚撰

五代新記二卷唐張詢古記

金陵樞要一卷汪豹記

齊梁事迹一卷

淮海志四卷蕭世怡叙

右南北朝

隋開業平陳記十二卷裴矩撰

隋平陳記一卷稱臣悅撰

大業拾遺一卷唐杜寶撰

大業略記三卷唐趙毅撰

大略拾遺錄一卷帝幸江都記

大業雜記十卷杜寶撰

隋季革命記五卷唐杜儒童記

劉氏行年記十卷唐劉仁軌記

朝野僉載二十卷唐張鷟記

右隋

唐創業起居注三卷温大雅記

唐聖述一卷裴烜之撰

今上王業記六卷温大雅撰

太宗勲史一卷吳兢撰

高宗實迹

一卷 裴烜之撰

唐書備闕記

十卷 具統撰 太宗至明皇起

明皇政錄

十卷 李康撰

明皇雜錄

二卷 趙元一撰

天寶西幸記

一卷 溫俞撰

幸蜀記

一卷 宋巨撰

開元天傳信記

一卷 鄭棨撰 得開元天寶事於傳聞

開元天寶遺事

六卷 王仁裕撰

河洛春秋

二卷 唐包誦撰 起祿山叛訖史朝義叛

天寶記

十卷

祿山事迹

二卷 唐華陰尉姚汝能撰

邠志

一卷 凌準撰 記天寶之亂邠府從事

大唐新語

十三卷 唐劉肅撰 起武德訖大曆

奉天記

一卷 唐徐岱撰

幸奉天錄

一卷 唐崔光庭撰

奉天錄

四卷 唐趙元一撰

建中西狩錄

十卷 張讀撰

文宗朝備問

一卷

國史補

三卷 唐李肇記 開元至長慶事

補國史

六卷 唐林思謨撰

逸史三卷大中時人所作

關史三卷唐祚彦休記大曆以後至乾符事

封氏見聞記五卷唐封演撰

唐末見聞錄八卷紀僖昭兩朝事

燕南記三卷唐谷况撰

平蔡錄一卷唐鄭澥記吳元平吳元濟

平淮西記一卷唐路隋記吳元濟始末

河南記一卷薛平李師道事和中平李師道事

元和辨謗錄三卷李德裕撰

太和記一卷甘露事鄭注等作十八傳

乙卯記李潜用記太和乙卯李訓等甘露事

甘露記二卷

開成紀事三卷記大和甘露事

開成承詔錄二卷李石記文宗朝鄭覃等奏對

文武兩朝獻替記三卷李德裕撰

柳氏舊聞一卷李德裕撰

唐錄備闕十五卷僖宗中初事武宗僖宗中和初事

上黨紀叛一卷

會昌伐叛記一卷記李德裕相武宗破回鶻平劉植

壺關錄三卷韓昱述安史之亂李密王世充事

正陵遺事 二卷唐令狐澄撰

續正陵遺事 二卷唐柳北撰

平剡錄 一卷唐鄭言撰 末擒越盜裴甫平劉

太和野史 十卷沙仲穆撰

東觀奏記 三卷唐裴廷裕撰

彭門紀亂 三卷唐鄭樵撰 宗朝徐州龐勛叛

咸通解圍錄 一卷張雲撰 中雲南蠻寇成都

南楚新聞 三卷唐尉遲樞撰 寶曆至天祐時事

廣陵志 三卷唐郭誨撰 高駢鎮廣陵之亂

中朝故事 三卷僞唐尉遲氏撰 宣懿昭宗事

唐補記 三卷唐程柔撰 宣懿僖宗事

雲南事狀 一卷唐末羣臣撰 議招輯雲南蠻事

金鑾密記 一卷唐韓偓撰 華州太皇太后以兵圍華事

會稽錄 一卷唐末 越州董昌叛

右唐

汴水滔天錄 一卷五代王振撰 記梁太祖事

汴州記 一卷記梁太祖 祖鎮汴州事

梁太祖遺錄 三十卷梁 恭翔撰

莊宗召禍記 一卷後漢 黃彬撰

晉朝陷蕃記 四卷皇朝 范質筆撰

隋蕃記 四卷 范質撰

隋虜記 三卷 周胡璠撰 歸記其事

征淮錄 一卷 劉仁贍撰

入洛私書 十卷 周江文秉記 同光至顯德事

後史補 三卷 周高若拙記 唐及五代事

備史 六卷 賈緯記 晉末之亂

王氏聞見集 三卷 晉王仁記 前蜀事

皮氏聞見錄 十卷 皮光業記 唐乾符至五代事

右五代

太史公書所以為助者左氏國語世本戰國策陸

新語楚漢春秋而已至班固因太史公范曄依謝承司馬彪諸史豈不易哉其為功也靈獻以來天下大亂史官失守天下之士老於筆削雋於辭翰者往往各因聞見見諸纂修代不乏才爭自騁為作者之眾蓋如此歟司馬公資治通鑑凡雜史入于整彙裁正者凡二百二十餘家其亦有補於史氏明矣故並存之甚瑣陋者不錄

七略中古書

劉向著七略別錄二十卷蓋向為光祿大夫成帝詔校經傳諸子詩賦所作時步兵校尉任宏校兵書太

史令承咸校數術侍醫李柱國校方技每一書已向
輒條其篇目撮其指意錄而奏之向卒哀帝命向子
侍中奉車都尉歆卒父業歆於是總羣書而奏其七
略有六藝略有諸子略有詩賦略有兵書略有術數
略有方技略有今刪其要以備篇籍而向所撮指要歆
復遺之王儉作七志阮孝裕作七錄蓋本諸此大凡七略書五百九十
三家而古之奇書為絕少今錄三代以前書不及一
二十種春秋以來至秦諸子雜書百餘家不必錄有
以古書為名而師古諸人以為後人所作或曰以後
世語或曰其言俗薄者亦不錄是知秦火之厄酷矣

所謂不必錄者入隋經籍唐藝文則又無此書矣惜哉

太古以來年紀 黃帝歷

黃帝四經 黃帝銘

孔甲盤盂 風后

蚩尤 力牧

顓頊歷 夏殷周魯歷

伊尹 太公

辛甲 史籀 宣帝時

尹佚 成康時

東漢以來書考

班固作漢書依向歆七略為藝文志而范曄史後漢則無此志非闕歟自爾諸史惟隋史志經籍唐史志藝文然經籍之盛盛於隋極矣作東漢以後藝文考

東漢

東漢藏書在石室蘭臺在東觀在仁壽閣班固傳毅之流掌焉董卓之亂獻帝西遷所收圖書猶七十餘載兩京亂掃地而盡

魏

魏采掇漢散亡之書藏在祕書中外三閣鄭點初作

中經

晉

晉既蒐聚典籍荀勗因魏中經制新簿摠章羣書釐為四部甲部錄六藝小學乙部錄子兵術數景部錄史記舊事丁部錄詩賦圖讚凡三萬惠懷之亂京華蕩覆書閣之度為之一空東晉初漸加收拾李充校以勗舊簿僅存三千卷亦以甲乙類次

宋

中朝遺書既歸江左元嘉中謝靈運造四部目錄六萬四千餘卷元徽中王儉作四部書目又作七志一

經典二子三文翰四軍書五陰陽六術藝七圖譜而
道佛附之書名之下每立一傳又有條例載于篇首

齊

永明中祕書監謝朓丞王亮造四部書目書萬有八
千卷齊末祕閣火書亡

梁

梁初任昉親加彙正聚書文德殿卷二萬三千釋書
不錄又祕書監任昉殷鈞制四部目錄數術別為一
部是為五部劉遵又作東宮四部目錄劉孝標作文
德殿四部目錄普通中處士阮孝緒采宋齊以來王
公家所藏校官目為七錄一曰經典二曰記傳三曰
子兵四曰文集五曰技術六曰佛七曰道其於剖析
殊為不經元帝克平侯景收文德殿書歸江陵凡七
萬餘卷周師入郢咸自焚之

陳

陳天嘉中鳩集攷其篇錄尚多遺闕中原戰爭日親
于戈文教之盛符姚而已然猶有壽安殿四部目德
教殿四部目又有承香殿五經史記目亦留神於此
者矣宋武入關收其圖籍僅四千卷

後魏

後魏始都燕代南略中原粗收書史未能該備孝文
邠洛借書於齊稍稍加錄爾朱之亂又復散落史中
有魏闕書目一卷

後齊

後齊都鄴頗更搜聚迄天統間武平校寫不輟

後周

後周始基關右書止八千卷後增至萬卷周武平齊
先封書府所加舊本纔五千卷

隋

隋開皇三年牛弘表請使求書一卷賞絹一疋校寫

既畢即還書本陳平經籍漸備於祕書續補殘闕為
正副二本內外閣凡三萬餘卷煬帝再錄分三品上
者軸頭紅琉璃中者紺琉璃下者漆軸聚於東都觀
文殿東西廂東藏甲乙西藏丙丁又藏魏以來古迹
名畫於殿後之二臺東曰妙楷臺以藏法書西書寶
繪臺以藏名畫有四部目二其一開皇四年其一八
年所錄又有大業正御書目

唐

隋嘉則殿書三十七萬卷武德初有書八萬卷重複
相揉王世充平得隋舊書八萬卷太府卿宋遵監運

東都浮舟汴河西致京師經砥柱覆舟書盡沉亡正
觀中魏徵虞世南顏師古繼於祕書監購天下書選
五品以上子孫工書者為書手繕寫藏於內庫以宮
人掌之玄宗命昭文館學士馬懷素為修圖書使與
崇文館學士褚無量整比會幸東都乃就乾元殿東
序檢校無量建議御書以宰相宋璟蘇頲同署如貞
觀故事又借民間異本傳錄及還京師遷書東京麗
正殿修書院其後光順門外東都明福門外皆創集
賢書院通籍出入既而太府月給蜀郡麻紙五千畝
季給上谷墨三百三十六丸歲給河間景城清可博

平兔千五百皮為筆材兩都各聚書四部以甲乙丙
丁為次列經史子集為四庫其本有正有副帶帙籤
皆異色以別之祿山之亂尺簡不藏元載奏以千錢
購書一卷又命苗發等使江淮括訪文宗時鄭覃建
言又詔搜採於是復全黃巢之亂存者又少昭宗播
遷京城孫惟晟歛書本軍寓教坊於祕閣有詔還其
書命韋昌範等諸道求購及徙洛陽蕩然無遺矣

本朝

本朝承五季後書皆蕩焚

太宗垂意收聚祕閣崇文所儲不及唐之盛蓋古書

益少矣太平興國中詔編太平御覽引用僅一千六百九十種而雜書古詩賦不與焉大中祥符中姚鉉集唐文粹序云今代墳籍略無亡逸攷鉉所集亦自幾王文康公初相周世宗家多唐舊書李文正公所藏亦富至闕學館給廩餼以延者宋宣獻兼得畢文簡楊文莊二家書有祕府不及者元符中一夕燼于火晁以道家所藏凡五世雖不及宋氏而校讎是最為精確邯鄲李氏所藏亦然政和甲午亦火劉壯與家廬山之陽自其祖凝之以來圖書亦多有藏書記今亦不存濮安懿王之子榮王宗綽聚書七萬卷宣和中其子曾進書目自龍圖閣太清樓玉宸殿宣和殿以及崇文三館所儲盡歸於燕幸僅存耳

劉軻論太史公以來史筆姓氏

史記班漢已來秉史筆者盡知其人矣東漢有若陳宗尹敏伏無忌邊韶崔寔馬日磾蔡邕盧植司馬彪華嶠范曄袁宏

國志有若衛顛繆襲應璩王沈傅立德茅曜薛瑩華覈陳壽

晉洛京史有若陸機束皙王詮詮子隱

晉史有若鄧粲孫盛王韶之檀道鸞何法盛臧榮緒

宋史有若何承天裴松之蘇寶圭沈約裴子野

齊史有若周興嗣鮑行即何之元劉璿

陳史有若顧野王傳緯陸瓊姚察察子思廉

十六國史有若崔鴻

魏史有若鄧淵崔浩浩弟覽高允張偉劉瓛李彪邢
巒温子昇魏收

北齊史有若祖孝徵陸元規湯休之杜臺卿崔子發
李德林林子百藥

後周史有若柳虬牛弘令狐德棻岑文本

隋書有若王師邵王胄顏師古孔穎達于志寧李延

壽

唐有若温大雅魏鄭公房梁公長孫趙公許敬宗劉
胤之楊仁卿顧胤牛鳳及劉子宏朱敬則徐堅吳兢

劉勰論史

昔者夫子懲王道之闕傷斯文之墜靜居以歎鳳臨
衢而泣麟於是就大師以正雅頌因魯史以修春秋
舉得失以表黜陟徵存亡以標勸戒然獻旨幽祕經
文婉約丘明同耻實得微言乃原始要終創為傳體
傳者轉也轉授經旨以授於後實聖文之羽翮記籍
之冠冕也及至縱橫之世史職猶存秦并七王而戰

國有策蓋錄而不序故即簡爲名也漢滅嬴項武功
積年陸賈稽古作楚漢春秋爰及史談世惟執簡子
長經志甄序帝績比堯稱典則位雜中賢法孔題經
則文非元聖故取式呂覽通號曰紀紀綱之號亦宏
稱也故本紀以述皇王列傳以摠侯伯八書以鋪政
體十表以譜年爵雖殊古式而得事序焉爾其實錄
無隱之旨博雅弘辯之才愛奇反經之尤條例踳落
之失叔皮論之詳矣及班固述漢因循前業觀史遷
之辭思實過半其十志該富讚序弘麗儒雅彬彬信
有遺味至於宗經規聖之典端緒豐贍之功遺親攘

善之罪徵賄鬻筆之憇公理辯之究矣至于後漢紀
傳發源東觀表張所制偏駁不倫薛謝之作踈謬少
信若司馬彪之詳實華嶠之准當則其冠也及魏代
三雄記傳並出陽秋魏略之屬江表吳錄之類或激
抗難徵或踈闊寡要惟陳壽三志文質辯洽荀張比
之於遷固非妄譽也至於晉代之書繁乎著作陸機
肇始而未備王韶績末而不終于寶述紀以審正明
序孫盛陽秋以約舉爲能案春秋經傳舉例發目史
漢以下莫不準約至鄧粲晉紀始立條例又擺落漢
魏憲章殷周雖湘川曲學亦有心放典謨及安國立

例乃鄧氏之規焉又曰傳託爲式編年經事文非記
論按實而書歲遠則周曲難密事積則起記易踈斯
固總合之爲難也或有同歸一事數人分功兩紀則
失於複重偏舉則漏於不周此又銓配之易也故張
衡摘史班之舛濫傳玄機後漢之尤煩皆此類也若
夫追述遠代代遠多僞公羊臯去傳聞異詞荀悅稱
錄遠略近蓋文疑則闕貴信史也然俗皆愛奇莫顧
理實傳聞而欲偉其事錄遠而欲詳其迹於是棄同
即異穿鑿傍說舊史所無我書則博此訛濫之本源
而述遠之巨蠹也至於記編同時時同多詭雖定其

徵詞而世情利害勲榮之家雖庸夫而盡飾屯貶之
士雖令德而蚩埋吹霜照露寒暑筆端此又同時之
枉論可爲歎息者也故述遠則誣矯如彼略近則回
邪如此折理居正唯懿上心乎

史略卷六

高

似孫

集

山海經

世本

三蒼

漢官

水經

竹書

山海經

山海經二十三卷郭璞所注又有山海圖贊二卷山

海圖音二卷又有山海經圖十卷舒雅等所修也朝本
人按越絕書禹治水巡行天下所歷山川命伯益記
之遂為山海經世或以其書為荒異然攷酈道元注
水經凡山川譎異之事必以山海經為據郭璞之言
曰古者皇聖原化以極變象物以應恠鑒無稽蹟曲
盡幽情神焉廋哉神焉廋哉此書歷載三千暫顯於
漢蓋武帝時有獻畢方鳥不知何以飼之東方朔既
言其名又言其食帝問何以知之曰山海經所出也
又宣帝時擊磻石於上郡陷得石室其中有反縛盜
械之人劉向曰此貳負之臣也帝問何以知之以山

海經對其辭曰貳負殺窳窳帝乃梏之疏蜀之山梏
其右足反縛其兩手上大駭於是人多竒山海經其
後東方朔作神異經張華箋之華曰方朔周旋一作
天下所見神異山海所不載者列之有而不具其說
者列之謂山海經也陶淵明有讀山海經詩沉覽周
王傳流觀山海圖俛仰終宇裏此樂復何如

世本

世本十五篇古史官記黃帝以來訖春秋帝王公卿
諸侯大夫譜係太史公因之以作史記者是後世本
凡三其一曰世本劉向所作者二卷其一亦曰世本

宋衷所作者四卷其一曰帝譜世本者宋均所作者
七卷又有世本王侯大夫譜二卷世本譜二卷王氏
注按世本叙歷代君臣世系是書不復見猶有傳者
劉向宋衷宋均三家而已予閱諸經疏惟春秋左氏
傳疏所引世本者不一因采掇彙次為一書題曰古
世本周益公在西府閣予有此面借再三因錄本與
之益公一見曰天下奇書學者雋功也予因曰劉孝
標注世說引摯氏世本蓋叙摯氏世家今人欲系譜
謀依摯氏法名之曰某氏世本殊為古雅益公曰此
說尤新奇

三蒼

三蒼者蒼頡一篇上七章秦丞相李斯作爰歷六章
車府令趙高作博學七章太史令胡毋敬作文字多
取史籀篇而篆體復頗異所謂秦篆者也按史籀十
五篇周宣王太史作大篆十五篇與孔氏壁中古文
亦異體建武時亡矣然是時已見隸書宋景文公云
建字當作造
字自然建字
政自新奇起於官獄多事苟趨省易施之於徒隸也
漢興書師合蒼頡爰歷博學三篇斷六十字以為一
章凡五十五章并為蒼頡篇武帝時司馬相如作凡
將篇無復字師古曰
復重也元帝時黃門令史游作急就

篇成帝時將作大匠李長作元尚篇皆蒼頡中正字也凡將則頗有出矣元始中徵天下通小學者以百數各令記事於庭中楊雄作訓纂篇順續蒼頡又易蒼頡中重複之字凡八十九章班固楊雄作十三章凡一百二章蒼頡多古字俗師失其讀宣帝時徵齊人能正讀者張敞從受之傳立外孫之子杜林為作訓此孟堅所謂通知古今文字者歟惟唐李善好援引間見於文選注班固注漢書條例亦曰旁究蒼雅所用尚矣

漢官

漢官不知何人作應邵所注

舊五卷今存其一

王隆有漢官

解詁三卷胡廣所注

隆字文山漢新汲令

正訓舊漢官也按後

漢書百官志云周公作周官分職著明法度相持王道雖微猶能久存所以觀周室牧民之德王隆作小學漢官篇諸文個說較略不究

胡廣云隆漢官篇略道公卿內外之職旁及四夷博物條暢多所發明足以知舊制儀品按應劭有漢官儀又有漢官鹵簿圖又有漢官儀注又有漢官名秩蔡質有漢官典儀其言儀者多涉故事往往如衛宏漢舊儀者也

舊四卷今有三卷

後漢書百官志注引漢官目

錄亦爲奇書其後丁孚有漢官儀式荀政有魏官儀
王珪之有職官令梁有職制儀注視漢官簡穰殊不
侔唯郭璞有古今百官注十卷最爲嚴整予以孟堅
百官公卿表載漢官無統緒嘗作漢官殊有條理

二

安帝時越騎校尉劉千秋校書東觀好事者樊長孫
與書曰漢家禮儀叔孫通所草創皆隨律令在理官
藏於几閣無記錄者又令二代之業闇而不彰誠宜
撰次依擬周禮定位分職各有條序劉君然其言與
邑子通人郎中張平子參議未定而遷爲宗正衛尉

至順帝時平子爲侍中典校書方作周官解况乃欲
以次述漢事莫能立于所集漢官正與長孫平子之
意合

二

後漢書百官志注引援皆古書奇書特爲精絕

水經

水經三卷漢中大夫桑欽撰後魏酈道元注爲四十
卷道元范陽人仕魏爲吏部尚書是蓋李延壽父太
師公所謂南人謂北爲索虜北人謂南爲島夷者其
史於本國詳他國略初未嘗盡歷南地而所載南事

特為精確而又續業闕辭義浚拔凡所援引多前
史所遺魏收稱其歷覽奇書是固有得於此乎道元
之言曰大傳曰大川相間小川相屬東歸於海脉其
枝流之吐納診其公路之所纏訪瀆搜渠緝而綴之
經有謬誤者考以附正文所不載非徑水常流者不
在記注之限蓋水經緯綴津渚而闕傍通此尋圖訪
蹟道元之所以為功乎按唐藝文云桑欽一作鄭璞
撰又鄭氏書略以為鄭璞注然道元所箋略不援引
鄭璞則知為桑欽書也唐李吉甫有刪水經十卷是
難乎刪矣晉僧道安有水記記四海雍仲雍有江記

漢記其援引攷訂皆不可及此

竹書

穆天子傳一卷
古文瓊語四卷

周書十卷

晉太康二年汲郡民不准盜發魏襄王家得古竹簡
書帝命荀勗和嶠撰次為十五部八十七卷以為中
經列在秘書然雜以恠妄之說其紀年專用夏正載
三代事而不及它國但紀晉魏間事終之哀王蓋魏
之史記也按襄王即魏惠成王之子靈王也世本以
為襄王又按史記六國年表自靈王二十一年至秦
始皇三十四年燔書之歲八十六年至太康二年初
得此書凡五百七十九年杜預於左氏傳之末嘗攷

其不合於經傳者數事劉知幾史通乃言汲冢紀年載春秋事多與左氏同又郭璞注山海經以為穆天子傳載穆王饗西王母于瑤池之上與竹書同璞又言竹書不出則山海經幾廢則知竹書所載恠妄者必有合於山海經者初在隋目八十七卷是猶皆存至唐藝文志吳兢西齋書目僅十四卷耳知幾又曰汲冢所得尋即亡逸然則摯虞東晉既嘗據引荀勗又嘗參訂杜預之所引用于寶之所稽法則是書不為不古矣不只是也班固稱臣瓚所注漢書喜用竹書隋志有竹書同異一卷按荀勗所考古尺其簡長

二尺四寸以墨書一簡四十字時勗為中書監同第錄者中書令和嶠祕書主書令史祕書校書中郎張宙郎中傅瓚瓚即師古注漢書所引臣瓚者也時所書用二尺黃紙

穆天子傳

一卷竹書內書李氏邯鄲書目云六卷必是字誤

按左氏傳穆王欲肆其心周行天下將皆車轍馬迹焉此書所載即其事也穆王得盜驪綠耳之乘造父為御以觀四荒西絕流沙西登崑崙與太史公記合竹書所傳穆天子傳六卷所歷恠竒亦幾於山海經者雖多殘闕皆是古書

晉孔晁注此書以為孔子刪采之餘凡七十篇今如馬揔意林例篇摘一二語可見其刪書之餘者也

度訓解立中以補損命順解始以知終當順解天性

人有文酌解民生有欲有惡羅莊解有道故武稱解

大國不失其威允文解思靜鎮勝大母解武有六制

博國大明武解思嚴大方小明武解必得地勢大匡解

戰周王宅程三年遭天之程典解維三月既生魄文

大荒注曰程在岐州左右程典解王合六國之諸侯

程寤 泰陰 九閭 劉法 文開

保開 八繫 以上篇逸

鄴保維九維侯威格于周大開維王三月既小開三維

十有五祀王念文傲維丈王告後嗣之無保召

曰余聞在昔曰文傲太子發曰嗚呼吾語汝所保所

守哉柔武呼維在元祀一月既生魄王召周公旦曰

之哉柔武呼維在元祀一月既生魄王召周公旦曰

乃顯誰和若歲之有秋今余不獲其落若何小武開

不顯誰和若歲之有秋今余不獲其落若何小武開

維王二祀一月既生魄王召周公旦曰手稽首曰在昔

文考順明三極躬是四察循寶典解維王二祀一月

用五行戒視七順道九紀寶典解丙辰朔王在鄰

召周公旦曰嗚呼敬哉朕聞曰何修非躬豐講解王

何擇非人又曰嗚呼敬哉朕聞曰何修非躬豐講解王

二祀王在鄰講言告聞王召周公旦曰嗚呼傷寤啟

解 維四月朝王告徵召周公旦曰嗚呼武順解尚天

日西移地道尚左水道武穆解之道若稽古昭天

東流人道尚中耳目役心武穆解之道若稽古昭天

任之 **和寤解** 高王曰嗚呼商至于鮮原召公奭畢公

忠惟事惟敬 **武寤解** 王赫奮列 **克殷解** 周車三百五

野武王使師尚 伯夫致師王 **文匡解** 惟十有三祀

既我車武賁馳商 師商師大崩 **文匡解** 惟十有三祀

之侯咸受賜于王 **文政解** 維十有三祀在管 **大聚解** 惟武

乃觀圖綏政 **世浮解** 維四月有乙未武王成 **箕子**

考德二篇 逸 **商誓** 王若曰若 **度邑** 維王克商邑君諸

邑 **我做** 維十有一 **五權** 維王不豫于五 **成開解** 成王

大開告用 **作維解** 子武王克殷乃立王 **皇門解** 正月庚

用周公也 **維** 維一月 **時訓** 紀時 **謚法解** 紀謚 **明堂** 明堂

嘗麥於 **本典** 維四月既望 既生魄 **官人** 王曰嗚呼王會

解 朝祭公解 王若曰祖祭 **史記解** 維正月王在成周

夫職方氏解 掌天下 **芮良夫解** 芮伯若曰予小臣 **太**

子晉解 晉平公使叔譽于周 **玉佩解** 王若所殷說解

湯將放桀 **周祝解** 讓哉民心哉 **武經解** 車甲之

居野 **銓法解** 近三不芒由 **器服解** 道大備周

事不捷 **銓法解** 近三不芒由 **器服解** 道大備周

食令色 **銓法解** 近三不芒由 **器服解** 道大備周

格于左闕門會羣門路 **大戒解** 王訪于周公 魄 **周月**

史略卷六



文化甲子

七

